

平澤林氏世譜序

譜者人家之世鑑也世鑑所照男女嫁娶之家門生卒之年歲繼世之昭穆墳墓之處所昭然自在不待人指而識得者譜鑑大矣然則譜鑑之修如類拭鑑面之垢長為挑明通照乃可不繼修其譜鑑哉惟吾門之修譜也始於憲廟己酉與松京派相合修於松京此一鑑也族大父弼祿氏尸之且五十年後崇禎紀元後四辛丑與松洪派合修於和順墓閣此二鑑也吾高祖致基氏與其族弟大源氏尸之且六十年後高宗辛丑與淳昌族人初合參奉魯學氏周旋修於長城三山亭此三鑑也族大父魯淵氏與我季父誦周氏尸之且二十年後壬戌長徑龜洛以甲戌大同譜其時有司不良各派亂雜處一一革破之意留京發文于八道有林處修於大邱此四鑑也舍伯鶴類氏尸之今在戊子計其年數則二十七也無君天地

世幾傾覆不以早晚又爲修者龜洛之議發於口門中踐議而修之
此五鑑也族弟錫勉錫正與家兒驥洛尸之此吾門之大鑑也嗟乎
龜洛之議則不死於門中形則歸藏於地下龜洛生耶死耶以此爲
言淚先於言言失倫脊但願僉族鑑於茲鑑勿以己心爲心以先世
修譜之心爲心敦睦之誼不失於譜叙倫之事亦不失於譜勉之勉
之余以七十九年不死之人居有司之名不辭者爲補協龜洛之議
無缺而然也諸族亦鑑于茲

歲戊子二月上澣後孫鎬應謹序

平澤林氏世譜卷之一

始祖諱八汲 後諱塞

侍郎

公年十八仕唐以龍圖閣翰林學士行兵部尚書與同僚七學士劉荃薛嶷仁許畫朱奎崔洵權之奇孔德符被譖東來各作一絕韻有曰二老入海兮殺道衰三八入八海兮柱樟蘭漿仙李運畫兮賢士被譖吾徒束之兮可以免禍接浙而去兮謝暗投明波濤涵瀾兮舟楫利逝見幾而作兮疏廣之徒賢士出東方竭誠盡忠公居于平澤縣龍浦里新羅敬順王朝

諱萬玉

侍郎

諱良野

新羅太師上將軍為敬順王子貞頭之婿當王之歸于麗也公諫曰繼累世之緒而絕之不可謂子也守子乘之業而棄之不可謂君也王怒貶謫善山慈馬後麗太祖聞而怒之寬其九子於遠語載一善誌 墓在善山野城

諱砥

檢校大保上將軍

諱禧 見下

平澤林氏世譜卷之一

平澤林氏世譜跋

吾門之修譜也筭其始初之年歲則今二百有餘年數其鱗修之次則今四五番派則三派也已酉辛丑之修和松洪先賢之手澤尚新辛丑後辛丑之修與玉川族人合議和室之睦克明壬戌之譜適乘八道諸林京城宗約之暇以革甲戌大同時昧事者訛着換易之意發之于八域有林處乃為修得究其嘉猷則龜洛之功大矣今戊子之修議則龜洛之議而事則推為不能者之我任未知盆盎之水其可照得一山之影歟嗟乎龜洛之歸也以茲為憂匪我獨然一門咸然幸因愚者之一得周旋彌縫事之修了協力諸族賢者之功非我無似所居者也序不亂於明功不闕於修或可謂無忝於先祖而有補於後生歎不勝恐惶猥以為跋

著雍困敦宵月日不肖孫錫勉謹跋

允林氏之真祖平澤君諱八汲謚忠節以後唐八學士之一學士浮槎
東渡入于新羅後子孫蕃衍分派之數如江漢之沱潛樹木之枝葉
惟吾派之來脉麗朝文章西河先生諱椿謚節義吾之二十五世祖
其五傳淳昌君諱仲沈其子杜門齋先生諱先味有三子一則和順
派二則松京派三則洪州派也三派修譜或合或分未可得如一而
修之次則今四五次也每其修也培根乎平澤此登枝不忘本而然
也溯流而上及乎西河此沱潛之復合江漢也彼甲戌大同輩換代
亂倫之譜與其後以假誌石八味之譜其可同日而語哉信此譜而
行乎今者其無來脉之林可知嗟乎惟我族叔錫勉錫正氏與吾亡
兄龜洛氏前日合席同論之譜議踐遂乎今日之譜以無似者之名
忝乎一任又以汝跋之教大抵亡兄無名之紙余亦不可無名也故
不以不文辭含淚續跋

著雍困敦四月上
澣不肖孫翼洛謹跋